

sullen furbas me keyne kraft habin. Der zcu eyner urkunde unde ganczer sicherheit haben wir mit wolbedachtem mute und mit rathe unser eldesten unser stad grostis ingesigil laßin hengen an den brieff, der gegeben ist anno m° cccc° xiii° dominica invocavit.

## 174.

5 *Rathswillküren über das Einlegen von Most und Wein und über das Einkaufen auf dem Markte durch die Höker.* [1414.]

*Hdschr.: Rathsarchiv Freiberg. Stadtbuch II fol. 15<sup>b</sup>.*

Die burger haben geboten, daz nymant most noch wyn sal inlegen ane wißin des burgermeisters, bie eyne schocke.

10 Ouch sullen die hoken keynerley kauffen uff dem margthe, also mahen, hanff, erweis, nûße, äppel, pirnen, potter, keze<sup>a</sup>), es sie was es sie, daz uff den marg kommet. Also off[t] alz man daz von yn erferet, so wel man XII gr. von eyne nemen zcu buse<sup>b</sup>).

## 175.

*Rathswillküren über das Brauen der Bürger.*

1414.

15 *Hdschr.: Rathsarchiv Freiberg. Stadtbuch II fol. 16<sup>b</sup>.*  
*Gedr.: Klotzsch Das Verzellen 27 (ohne den Zusatz).*  
*Ann.: Vergl. No. 166, 171 §. 1.*

Anno prescripto [m° cccc° xiii°] sint die burger eyn worden, daz yderman nicht mer brühen sal wenn XII gancze byr unde sal nicht mer malezis nach mynner nemen  
20 wenn xxxii scheffel unde daruff sal man nicht mer gyßen denn sechs halbe fuder. Unde wer des übirkomen wirdit, daz er mer gyßin lest, der sal zcu der stad gebin II marg gr.

Ouch haben die brucher des gesworn zcu den heiligen, daz sy nymande brühen sullen übir daz gebot unde sullen ouch nicht mer gyßen, wenn alz obin schriben stet, und ouch daz nicht vorschwigen, ab ymandis selbis mer gyßin wolde. Unde also oft alz man  
25 daz von yn erfüllre, daz daz nicht gehalden wörde, also oft sal eyner I marg geben. Hat er nicht zcu geben, so sal er vorczalt seyn, bis er das gelt gebit.

Die<sup>a</sup>) burger haben laßin vorbieten bye eyner maregk grosschen, daz nymant sal laßin understassen<sup>b</sup>), ee denne man czu der metten luth. Welchen brucher man des obirkomen kan, den wollen die burger bußen bye eyner marck ane wederrede. Glichermaße  
30 vorbiten sie ytzlichen brucher czwu phannen zcu furen<sup>c</sup>).

174. a) potter, kezo ist von etwas jüngerer Hand hinzugefügt. b) Ein etwas jüngerer Zusatz ader sie vorczeln ist ausgestrichen.

175. a) Das Folgende ist ein späterer Zusatz von der Hand des Stadtschreibers Paul Lindener (1425—c. 1443).  
b) für understossen; vergl. Michelsen Die Rathsverfassung von Erfurt im Mittelalter 22: füre understossen zu bruwen. c) Vergl. No. 171 §. 2.